

Visoki predstavnik produžio zabranu dodjele zemljišta u državnom vlasništvu

Danas je visoki predstavnik, Paddy Ashdown, donio odluku kojom produžava zabranu dodjele zemljišta u državnom vlasništvu u BiH, koja je po prvi put uvedena Odlukom Visokog predstavnika od 27. aprila 2000. godine. Zabrana je produžena do 31. marta 2003. godine, odnosno do početka primjene zakonodavstva kojim se regulira pitanje imovine u državnom vlasništvu, uključujući i bivšu društvenu imovinu.

Visoki predstavnik je u pismu koje je uputio bh. državnom Predsjedništvu, premijerima entitetskih vlada, Predsjedavajućem Vijeća ministara i Ministarstvu za ljudska prava i izbjeglice na državnom nivou, apelirao na bh. organe vlasti da ubrzaju aktivnosti koje su već preduzele na usvajanju zakona kojim se osigurava istinska eliminacija diskriminacije u svim budućim slučajevima prijenosa vlasništva nad zemljištem prema domaćim zakonskim procedurama. Takođe je rekao da "postoji potreba za realnim mehanizmima rješavanja pitanja nezakonite dodjele u prethodnom periodu, te pitanje objekata koji su na takvom zemljištu izgrađeni, kao i za rješavanjem konkretnih slučajeva u kojima se tvrdi da su dodjelom zemljišta prekršena određena prava."

Visoki predstavnik je ponovio svoju odlučnost da nadležnost za raspolaganje nad zemljištem što prije vrati domaćim organima vlasti.

Zabrana dodjele zemljišta se, međutim, ne odnosi na slijedeće slučajeve:

1. dodjela zemljišta u svrhu legalizacije postojećih prostora izgrađenih do 6. aprila 1992. godine,
2. dodjela zemljišta za redovnu upotrebu zakonito

izgrađenih objekata,

3. nadzidiivanje,

4. registracija zajedničkih preduzeća osnovanih državnim kapitalom.